



皇  
歲  
華  
紀  
麗  
覽






叢書集成

初編

主編者  
王雲五

商務印書館發行



皇 覽

撰 孫 不 人 翼 詳 輯  
馮 馮 馮 馮

本館據問經堂叢  
書本排印初編各  
叢書僅有此本

# 皇覽序

魏代諸臣撰集皇覽。据魏志言。乃劉劭王象奉勅作。史記索隱則云。王象繆襲等。隋書經籍志。復稱繆襲為繆卜。唐志不載。竊疑襲卜本一人。而名字互見。然襲於史無專傳。不可考矣。玉海藝文門。備引隋書志。而又有韋誕撰皇覽之說。未知本於何書。阮孝緒七錄所載。本六百八十卷。至隋而僅存一百二十卷。唐時之本。則何承天所合併。亦著於七錄。而闕一卷。隋志云。皇覽一百二十卷。梁六百八十卷。梁又有皇覽一百二十三卷。亡。唐志。何承天併合皇覽一百二十一卷。又徐爰合皇覽五十卷。唐志稱八十四卷。何以徐本。閱唐而獨增多。且其本既見唐志。則與何本隋志並云亡者。誤也。隋志云。徐爰合皇覽五十卷。又皇覽目四卷。皇覽抄二十卷。蕭琛抄。亡。惟皇覽目及蕭琛所抄。或亡於隋時。故唐志祇載何徐二本。繆氏舊著。唐人已未及見。後更無論矣。其書採集經傳。以類相從。實為類書之權輿。魚豢魏略。稱為都四。餘部有數十篇。合八百餘萬字。見魏志楊俊傳注。今緝逸篇。雖不審昔人所引。是否繆著。抑係徐爰所存。其分篇可見者。則有逸禮。及冢墓記。二篇。劉昭續漢祭祀志補注。載逸禮春夏秋冬天子迎。以逸為迎。證以藝文類聚北堂書鈔歲時部。太平御覽禮儀部。引語相符。並題皇覽逸。其禮雜為篇名。但其禮似依呂覽月令淮南時則訓而成。儀文則所記當是漢禮。故劉昭以補漢志。特其標名。取逸義有未詳耳。至藝文類聚人部。引史鮪以尸諫衛靈。太平御覽職官部。太公周召為師保傳諸語。則非記漢事。

7041111

然皇覽採集經傳。搜稽宜不以代爲限。類聚等祇稱逸禮。不題皇覽。或傳寫脫字。今故依次附於篇。若三皇禪云云。五帝禪亭亭。巡狩之禮。尊天重民。巡循也。狩。牧也。北堂書鈔禮儀部。文選東都賦注。各稱禮記逸禮。太平御覽禮儀部同。禮記二字。似有訛舛。其語又與白虎通封禪巡狩篇近似。疑皇覽採諸班固。第諸書未題皇覽。難以臆定。是以錄後存考。以俟識者。冢墓記分篇。史記集解索隱等書。共引六十餘事。雖未盡題冢墓記名。而舉一例餘。其類顯而易見。然漢東平思王冢上松柏皆西靡一事。漢書本傳注。引稱皇覽。而文選劉峻重答劉秣陵書注。引語尤詳。則題聖賢冢墓記。按隋志史部地理類。有李彤撰聖賢冢墓記一卷。乃別自爲書。選注劉先生夫人墓志。又引孔子冢一事。語雖與皇覽冢墓記大同。而不得以李彤所撰。認爲皇覽也。又太平寰宇記。引有古今葬地記。古今冢墓記。城冢記。御覽引有蘇州冢墓記。皆不著於隋唐志。當是唐以後書矣。劉昭補注漢禮儀志。述漢家葬儀。引皇覽而無篇名。觀其文義。以入逸禮冢墓記。俱可相附。漢書貨殖傳注。述計然事。御覽文部。載金人器銘。則二篇俱不相附。今三事皆別錄終編。以無能分篇也。金人器銘。稱皇覽記陰謀。困學紀聞並同。似記陰謀。亦一篇名。而他無考見。則寧爲闕疑。余獨惜此書篇部衆多。而徵引僅取二篇。且又冢墓記見引數十倍於逸禮篇。致使司馬貞作索隱。專謂記先代冢墓之處。宜皇王之省覽。蓋祇見裴駟集解。惟引冢墓記中語。遂強成其說。然則皇覽雖存於李唐。而貞固未見本書也。

考證

魏志文帝紀帝使諸儒撰集經傳隨類相從凡千餘篇號曰皇覽

劉劭傳劭受詔集五經羣書以類相從作皇覽

楊俊傳裴松之注引魏略曰王象受詔撰皇覽使象領祕書監象從延康元年始撰集數歲成藏於祕府合四十餘部部有數十篇通合八百餘萬字

唐六典卷十注黃初中以散騎常侍王象領祕書監撰皇覽史記索隱五帝本紀注皇覽書名也記先代冢墓之處宜皇王之省覽是魏人王象繆襲等所撰也

又滑稽列傳壠竈爲櫛索隱按皇覽亦說此事以壠竈爲龔突也又衣以火光皇覽云火送之著端葬之腸中隋書經籍志子部雜家皇覽一百二十卷繆卜等撰梁六百八十卷梁又有皇覽一百二十三卷何承天合皇覽五十卷徐爰合皇覽目四卷又有皇覽鈔二十卷梁特進蕭琛鈔亡唐書藝文志子部類書類何承天併合皇覽一百二十二卷徐爰併合皇覽八十四卷

玉海藝文類曰類事之書始於皇覽章誕諸人撰

困學紀聞曰皇覽記陰謀黃帝金人器銘武王問尙父曰五帝之誠可得聞乎尙父曰黃帝之戒曰吾之居民上也搖搖恐夕不至朝故爲金人三封其口曰古之慎言此下太平御覽文部所引尚有十餘句按漢藝文志道家有

皇覽序

四

黃帝銘六篇。蔡邕銘論。黃帝有巾機之法。皇覽撰集於魏文帝時。漢七略之書。猶存金人銘。蓋六篇之一也。



# 皇覽一卷

逸禮以御覽所題逸禮·知符刊誤·

清 瀋陽孫馮翼輯

春夏秋冬之樂。又順天道。是故距冬至日四十六日。則天子迎春於東堂。距邦八里。堂高八尺。堂階三等。青稅八乘。旗旒尙青。田車載旒。號曰助天生。唱之以角。舞之以羽。翟。此迎春之樂也。自春分數四十六日。則天子迎夏於南堂。距邦七里。堂高七尺。堂階二等。赤稅七乘。旗旒尙赤。田車載戟。號曰助天養。唱之以徵。舞之以鼓。鞀。此迎夏之樂也。自夏至數四十六日。則天子迎秋於西堂。距邦九里。堂高九尺。堂階九等。白稅九乘。旗旒尙白。田車載兵。號曰助天收。唱之以商。舞之以干。戚。此迎秋之樂也。自秋分數四十六日。則天子迎冬於北堂。距邦六里。堂高六尺。堂階六等。黑稅六乘。旗旒尙黑。田車載甲鐵鑿。號曰助天鋤。唱之以羽。舞之以干。戈。此迎冬之樂也。

劉昭續漢祭祀志補注·又太平御覽卷五百二十八禮儀部同引此·惟首句上·增載兵·作載戟·田車載甲下·每鐵鑿二字·助天子迎四節曰天子迎九字·又田車載旒·作載矛·田車載戟·作載弓·田車天鋤·作助天誅·舞之以干戈·作舞之以箭·

所以迎四時樂。秋養九志於西堂。冬養九勝於北堂。養後三日而止。天子行殺。必順天道。

御覽多此六句·然僅言秋養冬養·而無春夏似所引非全文·又九志·九勝·未詳·

夏則衣赤衣。佩赤玉。乘赤輅。駕赤騮。載赤旗。以迎夏於南郊。其祭先黍與雞。居明堂正廟。啓南戶。

藝文類聚卷三歲時

部·初學記卷三歲時部·太平御覽卷二十一時序部·又北堂書鈔卷一百五十四歲時部·引夏則居明堂正廟·一句·

秋則衣白衣佩白玉乘白輅駕白駱載白旗以迎秋於西郊。戴文類聚同上秋居明堂右啓西戶。北堂書鈔·引此二句·

冬則衣黑衣佩元玉乘元輅駕鐵驪載元旗以迎冬於北郊其祭先豕居明堂後廟啓北戶。戴文類聚同上

二十六時序部·

君使大夫弔於國君禮錫衰衰裳弁經有經下馬大夫爲介亦如之士介者將命者總麻裳弁經異姓葛

同姓麻。太平御覽卷五百六十一禮儀部·

已上諸書所引並題皇覽逸禮。

衛史鮑病且死謂其子曰我死治喪於北堂吾生不能進籛伯玉而退彌子瑕是不能正君也生不能正

君者死不當成禮死而置尸於北堂足矣靈公往弔問其故其子以父言聞於靈公公失容曰吾失矣立

召籛伯玉而貴之召彌子瑕而退之徙喪於堂成禮而後去。戴文類聚卷二十四人部·

天子之著九尺諸侯七尺大夫五尺士三尺著千歲三百莖先知也。戴文類聚卷八十六戰官部·

太公爲太師周公爲太傅召公爲太保。太平御覽卷二百六十六戰官部·

天子龜尺二寸諸侯八寸大夫六寸士民四寸龜者陰蟲之長也龜三千歲上遊於卷耳上老者先知故

君子舉事必考之。太平御覽卷九百三十一鱗介部·

已上四事。祇題逸禮。而不著皇覽。附編存考。

三皇禪云云。盛意也。五帝禪亭亭。特立於身也。太平御覽卷五百三十六禮儀部。又北堂書鈔卷九十一禮儀部。祇引禪云云亭亭二句。而無盛意特立於身二句。

王者必制巡狩之禮。何。尊天重民也。所以五年一巡狩。何。五歲再闋。天道大備。所以至四嶽者。盛德之山。四方之中。能興雲致雨也。巡狩者何。巡。循也。狩。牧也。為天循行牧民也。太平御覽卷五百三十七禮儀部。又文選卷五。巡狩者何。巡者。循也。狩。牧也。謂天子巡行守牧也。

尊天重人也。巡狩者何。巡者。循也。狩。牧也。謂天子巡行守牧也。

已上二事。題禮記逸禮。未審是否皇覽之文。今依類編於末。

### 冢墓記

黃帝冢。在上郡橋山。史記集解卷一。五帝本紀。

顓頊冢。在東郡濮陽頓邱城門外廣陽里中。頓邱者。城門名。頓邱道。史記集解同上。又劉昭補注續漢郡國志。王莽時。使使者祠

顓頊冢。太平御覽卷五百六十禮儀部。多王莽時二句。而無頓邱者三句。續漢志補注。同無。又水經淇水注。引頓邱者。城門名。二句。

蚩尤冢。在東平郡壽張縣闕鄉城中。高七丈。民常十月祀之。有赤氣出如匹絳帛。民名為蚩尤旗。肩髀冢。

在山陽鉅野縣重聚。大小與闕冢等。傳言黃帝與蚩尤戰於涿鹿之野。黃帝殺之。身體異處。故別葬之。史記集解同上。又水經濟水注。蘇文類聚卷四十禮部。太平御覽卷二十七時序部。卷五百六十禮儀部。太平寰宇記卷十三河南道。卷四十六河東道。並引之。赤氣出如匹絳帛句下。寰宇記有自上屬下四字。續漢郡國志注。引蚩尤冢在壽張縣闕

城中。高五丈三句。史記索隱卷九封禪書。亦引二句。

帝營家。在東郡濮陽頓邱城南臺陰野中。史記集解同上。又水經淇水注。曰頓邱者。城門名。

堯家。在濟陰城陽。史記集解同上。

舜家。在零陵營浦縣。其山九谿皆相似。故曰九疑。史記集解同上。又史記正義卷六。秦本紀云。舜家在零陵郡營浦縣九疑山。

臯陶家。在廬江六縣。史記集解卷二。夏本紀。又續漢郡國志補注云。六安國。臯陶家在縣。

禹家。在山陰縣會稽山上。會稽山本名苗山。在縣南。去縣七里。史記集解同上。又賈公彥周禮疏卷三十三云。禹家在山陰會稽山。本苗山。縣南七里。

湯冢。在濟陰亳縣北東郭。去縣三里。冢四方各十步。高七尺。上平處平地。漢哀帝建平元年。大司空御史

長卿案行水災。因行湯冢。史記集解卷三。殷本紀。又水經汜水注。北堂書鈔卷九十四。禮儀部。太平御覽卷五百六十。禮儀部。云。湯冢在濟陰亳縣北郭。冢四方。八十步。高七尺。上平。

伊尹冢。在濟陰己氏平利鄉。史記集解同上。又水經泗水註。語同。又續漢郡國志補注云。己氏有平利鄉。鄉有伊尹冢。

文王武王周公冢。皆在京兆長安鎬聚東社中。史記集解卷四。周本紀。又續漢郡國志補注云。文王。周公。皆在鎬聚東社中。太平御覽卷五百六十。禮儀部。云。周文王武王周公冢。

皆在京兆長安縣。

周靈王家。在河南城西南柏亭西周山上。蓋以靈王生而有鬚而神。故謚靈王。其冢民祀之不絕。史記集解同上。又水經洛水注曰。周山在柏亭西北。又續漢郡國志補注云。城西南柏亭。西周山上。周靈王家。民祀之不絕。

景王家。在洛陽太蒼中。秦封呂不韋洛陽十萬戶。故大其冢。並圍景王家。史記集解同上。又續漢郡國志補注云。王子朝冢。在西鄂縣西。

子朝冢。在南陽西鄂縣。今西鄂晁氏。自謂子朝後。史記集解同上。又太平御覽卷五百六十。禮儀部。云。王子朝冢。在南陽鄂西。

西·原注。  
醜·音猛。

秦繆公家在橐泉宮祈年觀下。史記集解卷五秦本紀·又水經渭水注·太平御覽禮儀部·同上卷。

秦武王家在扶風安陵縣西北畢陌中大家是也。人以為周文王冢非也。周文王冢在杜中。史記集解同上志補注云·安陵縣西北畢陌·秦武王冢。

亞夫冢在廬江居巢縣郭東。居巢廷中有亞父井。吏民皆祭亞夫於居巢廷上。長吏初視事皆祭然後從政。後更造祠於郭東。至今祠之。史記集解卷七項羽本紀·又水經泗水注·郭東居巢廷·廷·作亭·祭亞夫於居巢廷·廷·作廳·又續漢郡國志補注·太平御覽卷五百六十禮儀部。

項羽冢在東郡穀城東。去縣十五里。史記集解同上·又續漢郡國志補注云·穀城縣東十五里有項羽冢·又水經濟水注。

漢惠帝陵山高三十二丈。廣袤百二十步。居地六十畝。史記集解卷九呂后本紀。

高帝呂后山各一所。史記集解同上。

萇宏冢在洛陽東北山上。史記集解卷二十八封禪書·又續漢郡國志補注曰·雒陽縣東北山萇宏冢。

太伯冢在吳縣北梅里聚。去城十里。史記集解卷三十一吳太伯世家·又太平御覽卷五百六十禮儀部·云·吳太伯冢·在會稽吳縣北·去城十里。

句吳。續漢郡國志補注·多末二句。

延陵季子冢在昆陵暨陽鄉。至今吏民皆祀事。史記集解卷三十一·又續漢郡國志補注云·昆陵暨陽鄉。

呂尚冢在臨菑縣城南。去縣十里。史記集解卷三十齊太公世家·二齊太公世家。在齊桓公冢南。桓公冢西北。有姜嬰冢。續漢郡國志補注·多末三句。

皇覽

齊桓公冢在臨淄城南十七里所蓄水南。史記集解同上。孟嘗君與齊桓公冢同處。太平御覽卷五百六十禮儀部。多末一句。又城南十七里。作二十

里。蓄水。作淄水。

齊頃公冢近呂尚冢。史記集解同上。

齊景公冢與桓公冢同處。史記集解同上。

華元冢在陳留小黃縣城北。史記集解卷三十八宋微子世家。

號公冢在河內溫縣郭東濟水南大家是也。其城南有號公臺。史記集解卷三十九晉世家。又水經濟水注曰。號公臺。基趾尚存。又太平御覽卷五百六十禮儀部

又續漢郡國志補注曰。溫縣郭東。濟水南。有號公冢。

楚武王冢在汝南郡銅陽縣葛陂鄉城東北。民謂之楚王岑。漢永平中。葛陂城北祝里社下於土中得銅

鼎而銘曰楚武王。由是知楚武王之冢。民傳言秦項亦詹之時。欲發之。輒積壤填壓。不得發也。史記集解卷四十楚世家

續漢郡國志補注。又太平御覽卷五百六十禮儀部。鄆陽郡。注曰。鮪。音約

孔子冢去城一里。冢塋百畝。冢南北廣十步。東西十三步。高一丈二尺。冢前以飯甕為祠。壇方六尺。與地

平。本無祠堂。冢塋中樹以百數。皆異種。魯人。世世無能名其樹者。民傳言孔子弟子異國人。各持其方樹

來種之。其樹柞粉。雜離女貞。五味。鬻檀之樹。孔子塋中。不生荆棘及刺人艸。史記集解卷四十七孔子世家。又

子墓後有棧櫨樹。又邢昺孟子正義卷五。太平御覽卷五百六十禮儀部。太平寰宇記卷二十一河南道。去城一里。句下。御覽多魯城北便外南七字。又水經濟水注曰。孔子弟子各以四方奇木來植。故多諸異樹。不生荆棘。今則無復遺條矣。

伯魚冢在孔子冢東與孔子並大小相望史記集解同上。又太平御覽卷五百六十禮儀部。曰伯魚墓。在孔子冢東邊。與孔子並。大小相望。

子思冢在孔子冢南大小相望史記集解同上。太平御覽同上。

盜跖冢在河東大陽臨河曲直宏農華陰山潼鄉史記集解卷六十一伯夷列傳。又續漢郡國志補注曰。大陽盜跖冢臨河。

靖郭君冢在魯國薛城中東南阪史記集解卷七十五孟嘗君列傳。太平御覽卷五百六十禮儀部。

孟嘗君冢在魯國薛城中向北東向北出北邊門史記集解同上。太平御覽同上。

呂不韋冢在河南洛陽北邙道西大冢是也民傳言呂母冢不韋妻先葬故其冢名呂母也史記集解卷八十五呂不韋列傳。太平御覽同上。

不韋死獲過於始皇矣民傳云不韋好經書皆以書葬王至尊不韋久貴冢皆以黃腸題湊處題五

經得失符節令宋久上言臣聞昭王與不韋好書皆以書葬王至尊不韋久貴冢皆以黃腸題湊處題高

燥未壞臣願發昭王不韋冢視未燒詩書御覽多此十八句。又續漢郡國志補注曰。雒陽縣北邙山道西呂不韋冢。

孫叔敖冢在南郡江陵故城中曰土里民傳孫叔敖曰葬我廬江陂後當為萬戶邑去故都郢城二十里

所或曰孫叔敖激阻水作雲夢大澤之池也史記集解卷百十九循吏列傳。又續漢郡國志補注曰。孫叔敖冢。在江陵城中四十里。據此則裴駟集解曰十一里三字當是四十里三字刊誤。

子產冢在河南新鄭城外大冢是也史記集解同上。太平御覽卷五百六十禮儀部。

偃師西北有臯陶祠又有湯亭有湯祠續漢郡國志補注。

戾太子南出葬在闕鄉南秦又改曰寧秦續漢志補注同上。

衛思后葬長安城東南桐松園。今千人聚是。續漢志補注同上。

有蒼頡冢。在利陽亭南。墳高六丈。續漢志補注同上。學書者皆往上。姓名投刺。祀之不絕。載文類聚卷四十四。禮部多末三句。

漆有師曠冢。名師曠山。續漢志補注同上。又太平御覽卷五百六十禮儀部曰。師曠冢在右扶風。名曰師曠山。人民不敢上其山。

奄里伯公冢。在城內祥舍中。民傳言魯五德奄里伯公葬其宅。續漢志補注同上。

堯封唐堯山在北。唐水西入。河南有望都山。即堯母慶都所居。相去五十里。都山一名豆山。續漢志補注同上。

伯樂冢。在定陶縣東南一里所。高四五丈。續漢志補注同上。又太平御覽卷五百六十禮儀部。

葉縣西北去城三里。葉公諸梁冢。近縣祠之。曰葉君邱。續漢志補注同上。又太平御覽同上。禮儀部曰。葉公諸梁子高冢。在南郡葉縣西北去城三里。近縣民皆祠之。

太甲有冢。在歷山上。續漢志補注同上。

楚大夫子思冢。在當塗縣東山。鄉西去縣四十里。子思造芍陂。續漢志補注同上。

吳本國縣東門外孫武冢。又要離冢。縣西南。續漢志補注同上。

晏子冢。在臨淄城南。菑水南。桓公冢西北。史記正義卷六十二。管晏列傳。北堂書鈔卷九十四禮儀部。

趙簡子墓。在臨水縣界。冢上氣成樓閣之狀。北堂書鈔卷九十四禮儀部。

好道者言黃帝乘龍升雲。登朝霞。上至列闕。倒影經過天宮。載文類聚卷一。天部。天體如車。有日月懸著。何有可上。

哉。太平御覽卷二。天部。多末三句。



秦始皇家在驪山之古驪戎國。今之世顯豐。晉獻公伐驪戎，獲二女。其山陰多黃金，其陽多美玉，謂藍田是也。故貪而葬焉。并天下亡徒十餘萬人，穿八池，洞三泉，而致椁。宮觀奇器，珍怪諸物，藏之。令一匠人作機弩，人有近穴，輒射之，以水銀爲百川，江河大海，金銀爲鳧鶴，機關轉相斡旋，終而復始。上具天文，以人魚膏爲燈，度久不滅。後宮無子者皆狗，從死者甚衆，恐匠知之，殺工匠於藏中。因閉羨門，覆土，樹艸木以像山，墳高五十餘丈，周迴五里餘。後項籍燒其宮觀，關東賊發之，後牧羊兒亡羊，羊入藏中，持火覓羊，燔其椁。後賊遂取其金銀奇器。太平御覽卷五百六十禮儀部·又卷八百十二珍寶部·曰·關東賊發始皇墓·中有水銀·又史記集解卷六秦始皇紀·引始皇墳高五十餘丈·周迴五里餘·二句·

太上皇葬萬年，高帝父也。高帝葬長陵，孝惠帝霸陵，諸陵皆用瓦器，不爲墳。王莽之亂，天下無道，獨無災害。景帝葬陽陵，孝武皇帝葬茂陵，孝昭皇帝葬平陵，孝宣皇帝葬杜陵，孝元皇帝葬渭陵，元帝下詔曰：無置徙民，令天下無騷動之憂。自是園陵不置邑。孝成帝葬延陵，孝哀帝葬義陵，孝平帝葬原陵。孝文皇帝弟淮南王長坐謀反誅，後置園陵，長好道，事八公。世之愚者云：長仙，醫巫訖云：淮南好道，百官皆得仙。狗吠雲中，雞鳴天上。東平思王家，在東平，松皆西靡。太平御覽同上·又漢書東平思王傳注·引皇覽云·東平思王家也·按此事·文選劉孝標重答劉秣陵書注·引聖賢家墓記·其語最詳·藝文類聚卷八十八木部·亦題聖賢家墓記·據隋志地理類·別有李彤聖賢家墓記一卷·

奚仲家在魯國縣。當云薛縣東去縣二十五里山上，因名奚仲山。山下名奚仲亭。太平御覽同上·

夏育家在濟南歷山上。太平御覽同上·

魯大夫叔梁紇冢在魯國東陽聚安泉東北八十四步名曰防冢民傳言防墳於地微高太平御覽同上

蘭陽城西有山名豹陵太平寰宇記卷二河南道

河南城內有周山一名小亭山太平寰宇記卷三河南道

荆城是戰國時魏將龐涓與孫臏相持處太平寰宇記同上

全節章邱兩縣界有神迹是姜嫄所履處太平寰宇記卷十九河南道

黃帝葬橋山太平寰宇記卷三十四關西道

河內温城南有號公臺相傳云晉宣帝改邑集温父老登此臺宴飲父老奉觴慶賀因謂之賀酒臺太平寰宇記卷五十二河北道

叢臺在邯鄲小城內太平寰宇記卷五十六河北道

已上六十六事史記正義太平御覽寰宇記皆題皇覽冢墓記

史記正義·權引舜冢一事·題名冢墓記·太平御覽·於首引黃帝升仙·及蚩尤冢·顯項

冢·三事·俱題冢墓記·寰宇記引龐涓孫臏相持處·姜嫄所履處·孔子冢·黃帝橋山·蚩尤冢·俱題冢墓記名·知此與逸禮並皇覽分篇裴駟劉昭酈道元等注

書雖未標題冢墓記名然其所引確為一篇中語故依類編之

漢冢之葬方中百步已穿鑿為方城其中開四門四通足放六馬然後錯渾雜物扞漆繪綺金寶米穀及

埋車馬虎豹禽獸發近郡卒徒置將軍尉侯以後宮貴幸者皆守園陵元帝葬乃不用車馬禽獸等物續漢

禮儀志  
補注。

按此疑亦當在冢墓記篇。以劉昭徵引。祇題皇覽。未標篇名。故別編於篇末。

計然者。濮上人也。博學無所不通。尤善計算。嘗南遊越。范蠡卑身事之。其書則有萬物錄。著五方所出。皆

直述之事。漢書貨殖傳注。

記陰謀。黃帝金人器銘曰。武王問尙父曰。五帝之誠。可得聞乎。尙父曰。黃帝之誠曰。吾之居民上也。搖搖恐夕不至朝。故爲金人三封其口。曰。古之慎言。堯之居民上也。振振如臨深淵。舜之居民上也。慄慄恐夕不旦。武王曰。吾並殷民。居其上也。翼翼懼不敢息。尙父曰。德盛者守之以謙。守之以恭。武王曰。欲如尙父言。吾因是爲誠。隨之身。太平御覽卷五百九十九文部。

已上二事。不題篇名。陰謀記或是分篇。而他無考見。故附後存考。

